

## Z P W F Column

### TUNNU LIMBEL PANPINA PETE

26-06-2014 to 23-07-2014

1. PWF Lailam Veng -----Rs. 250/-  
PWF Lailam Veng -----140 Kgs Rice,  
PWF Lailam Veng -----5Kgs Salt.
2. PWF Lamka District Seminar  
Tunnu Liimbel tholawm -----Rs. 2220
3. Pa S. Khupkhanlam, Central Church--Rs. 1000
4. Pa Lamzakap Central Church -----Rs. 1000
5. Pa Jamchinthang,  
Feb - May 2014 Last -----Rs. 4000
6. Nu Lalbiaksangi, Lailam Veng -----Rs. 200
7. Lamka District Seminar  
Tunnu Limbel tholawm -----Rs. 2198
8. Kappu, Central Church-----Rs. 5000
9. PWF Awnchinkap Khuo -----Rs. 240,  
PWF Awnchinkap Khuo -----45Kgs Rice.

## Editorial

**K**hovel a sil ikidah pen khat chiet a um ding a, atangpi a mi zousien akidah pen or a deilou pen (Dust Particles) ahi. Khopi sung asienthouleh a nuom a, khosung asienthouleh ina avaah a, innsung asienthouleh itawl adam a, itha damsah ahi. Hinanleh khopi sung, ikhosung, innsung asienthou louleh ining akitel a, a kitawldam thei sih hi. Bang jie e, .... anieh jie e ahi. Tualeh, sil nieh khu (dust particles) bang atadie e? Anieh kichi khu sil buahthah a umlouna ding a um khu silnieh/buathah akichi hi. I gen nuom pen ahileh sil khat pou pou a umlouna ding a umleh anawngkai, abuoi huoi china ahi.

Tu haa in mimal chin i kingaituohna ding a ka gen nuom ahileh, i umna ding mun ah i um ei? I um louna ding mun ah i um khai? Hattuum mipite leh simtu zousiete eima chiet ki-entha lei ahoi ding hi. Mi a ding a ning kitel huoi upna ding lou pi-ah um kha ihi e, i dinmun lou dingpi a nasem kha ihi e, mi a ding a nohsah lou, mi a ding a ning kitel huoi lou mun a um chiet thei lei khosung, Hattuum sung, Innsung nuom mai dingin ka gingta hi.

# THU TUOMTUOM *leh* thumpi dingte:

01. Pasion hoina leh kithuopi na zal in dated 01-07-2014 niin Zou Presbyterian Church Synod Committee Room ah semtutethumkhawmna (discussion) lawching tahin kizou hi.
02. Apeisa Zou Synod vaihawmna thuphasahna bangin I Synod huongsung a Pastor nna ana semsa Rev. Kapsuonthang leh Rev. Mangmuonthangte amaban uh Trulock Theological Seminary (TTS) College Imphal ah BD zil dingin kuonta uhi. Ama ban uh tahsa leh hagau a ang gasuo theina dingun mimal leh hattuum chin in ana thumsah va ui.
03. Apeisa July 06, 2014 (Pasianni) nitah apat in Central Church Presbyterian Youth Fellowship (PYF) te kipieh zawna leh panlahna in Laisiengthou bu pumpi (Genesis - Revelation) tan sim suohna nei uhi.
04. Pasion umpina leh hagau pawlna tangkawm in i Synod Year Planner dungzui in August 03, 2014 (Pasianni) pen Zou Synod huongsung a local chin in Haitha (Gaa masa) Pasion kunga latna leh nuomthu genna zah chiet dinga Programme umsa, Hattuum chin in amanpha theipen a jang chiet dingin deisahna sangpen ka hing pie uhi.
05. **Khanglai Day 2014:** Ahingtung ding 31<sup>st</sup> August, 2014 Last Sunday khu Zou Synod huongsunga Khanglaite a ding a ni poimaw penpen khat ahina a, khochin Unit te'n ahi thei tan a zang chiet dingin iki ngen un iki theisah uhi. Tualeh, ZPYF Day ni chieng a ahi thei tan a, ZPYF kum puon "Khanglai Jesu Khrist a dingin" chi thupi a zah chiet ding ahi. Khanglai Day Thawlawm pen Office lam a submit chiet dingin iki theisah uhi.

1993 in Tuibuong Biehinn bawl ana patpi a, tuanah LCC kitelna ana kinei in 1993 - 1995 sung LCC Chairman in a pang hi. Kum 1995-1996 in Lentang District Chairman in ana pang a, tua sung in Pastor Quarter leh New Zoveng Biehinn ana kibawl pan hi.

Kum 1999 in Zomi Colony ah hing pemit in kum 2010 in Central District Chairman in ana pang hi. Kum 2008 in aji ittah Nu Vanlallawmi in ana muoliem san kiata hi. Kum 2010 in Zomi Colony Presbyterian Hattuum Upa hiding in telching in a um kia a, May 10, 2010 ni in Re-instate in ana um hi.

Ama khu Laa (Music) lam ana lunglut in I Zougam sung a, Music lam a hing phawnghaltu ahiban ah atate, Upa Jamsianmung leh Pa Lalbiakdik in Music lam ah apa sulnua zui in Hattuum ah nasatah in ana kizang ua, Upa Jamsianmung in JCA Golden Jubilee Lapi aphuo ban ah Pasion phatna laa 20 val ana bawlkhe in ZPYF Lakutpi leh MELC Khangpidaw Lakutpi ah Award ana sang hi. Ama khu PCI Constitution tudet tinten mi ahia, ama tung tanpha atun chieng a constitution zui vevaw mi ahia, vaihawmna ah zong sihnei-langnei a thu gen ngailou leh michitah mi ahi. Presbyterian Church ngaina tinten mi ahia, Presbyterian Hattuum a tuhdet zieh a, tha ding mat ding a gihih a a um lai a zong taise ngailou leh zaulou mi ahi. Kum 2012 in Manipur Gam Presbytery (MGP) Moderator ana puo a, ama khut apat in a tapa tahpen Upa Jamsianmung in Hattuum Upa Ordination atang hi. Kum 1973 apat tuni tan chieng ah Presbytery Khawmpi pellou in a mang gige hi.

Tambang a hinkhuo azah lai in sunglam natna nei in Dortor tuomtuom ana ki-ensah a, July11, 2014 in a gim kia a, Doctor ki-enkolsah in dam sieng thei tahtah lou in July 15, 2014 in District Hospital ah admit ahia, District Hospital ten Imphal ah reffer hing bawl in Imphal zotpi ahia, Shija Hospital puohlung hinanleh Doctor ten zen manta lou in ahing na muolliem santa hi. Ama i suun thu tam i Khristian Tangkou tungtawn in i puong uhi.

## Suunna

### UPA VAIPAU KHANTAN TOMKIM



Upa Vaipau khu phamsa Tualzam leh phamsa Pi Chinniing-te tapa pasal lah a tahpen ahia, 1941 in Luang-el khuo, Burma ah ana pieng hi. Kum 1947 in Pasian thu awi in ana kipie a, 1956 in Baptisma Pastor Khualdo khut ah tang in 1958 apat Khanglai lamkai in ana pang hi.

Kum 1965 in India gam, Hiangtam (V), Singngat Sub-Division ah ahing pemit a, nungah-tangvalteng kaikhawm in a kikhoppi hi.

Kum 1966 in LCC kitelna neipi in tuanah ama Chairman in telching in ana um a, LCC Chairman in 8 vei telching in a um a, YCA (Khanglai) Leader 5 vei pang in WCA (Numei) Chairman in 3 vei ana pang hi. Tualeh LCC Secretary in 5 vei ana pang a, Treasurer 3 vei leh Finance Secretary 3 vei ana puo hi. Kum 1967 in MYCA Music

Secretary ana puo a, kum 1969 March in Nh. Chingkhanman toh dan siengthou in ana kiteng uhi. Kum 1971 in Upa ding a telching in ana um a, February 25, 1973 in Presbyterian Session (MGP) 18veina Nungshai khuo ah MGP Moderator, Upa Chinkham khut ah Upa Ordain ana tang hi.

Kum 1977 in azi ittah Nu Chingkhanman in ana muolliemsan hi.

Kum 1983 in Nh. Vanlallawmi toh Dan siengthou in a kiteng uhi.

Tuivai District Chairman in 4 vei leh TYCA Leader 2 vei leh TWCA ah 2 vei ana pang hi.

Kum 1992 in Tuibuong, Churachandpur District ah hing pemit in Grace Academy ah Chowkidar nna ahing sem a, tuanah Tuibuong a um i Hattuum miteng kaikhawm in Grace Academy ah a kikhoppi hi. Kum

Tami Khanglai Day pen khochin a Nu leh Pa, Hattuum Upa ten zong na ngaihsah chiet ding in iki ngen sawnsawn uhi.

06. Pasian hoina muongjing kawm in tukum in lou bawlmite leh ilou-mate Pasian guoljawlna van guotuite tanga Bu leh Balte ang gasuo theina ding in Hattuum leh mimal chin in ana thum chiet va ui.
07. Zou Synod huongsunga khopi sung hileh, singtang zaw deu a umte hileh Pasian i biehna ding uh (Biehin) hoizaw ngaisang na nei pumpum a, Biehin building lamtute adin thumsah vaui. Khumpen Pasian NAM a ineizawhna ahi mai hi. Tambang ahilai in a khente a zoukhiel khiel bang a um tading a, hinanleh akhente a foundation zoupan bang aum ding uhi. I nichin hinkhuo ah ama uh te din thum jing vaui! Aziehpun A ma i biehna ding building hoizaw lam a iki nei lai un, ilangpa, Setan kigol in memberte lah ah kituohlouna, kilangkenna, kihuoitna leh pankhawm siem lounate ang umthei thamtham hi. Thumna lounal in tam atunga igente douzou ding umlou hi.
08. Zou Synod huongsung a Pastor nnasemte, Evangelist nasemte, Sangsye nna semte leh Office a semte adin ana thum jing in! Ama uh ten asepnah chiet ua lungluttah leh ginumtah a asepnah chiet ua ang gasuo chiet na ding un thumpi chiet va ui.
09. Zou Synod huongsung a Sawm-a-khat leh silpieh dangdang petute; Government Service te leh khut nasep a sum suite adiehin amauhte a pen sisan man ahi dieh khol hi. Ginum tah leh dihtah a ang pieh thei nading un thumpi chiet vaui. Akhen in imu bang a pelou in i ngam toh uh pete hilei iki lang uhi. Zou Synod budget mai ah kinga lou in i budget khupkheh din Mangpan hing guoljawl chiet taken.
10. Pasian umpina muongkawm in ithei loukal un i Khristian Tangkou deithaw huoitah uh a kum 50 china (Golden Jubilee) melmu thei a hing puitung Mangpa min iphat uhi. Asai dinga Zou Synod 1st Executive Committee in sub-Committee muong taha aguotte thumsah chiet vaui.

11. ZPYF in Manniengkhuo a Youth Hostel Cum Training Centre Project lientah aneite ang lawching theina din thumpi chiet vaui.
12. Pasian hoina leh umpina kilam en kawm in Presbyterian Church of India (PCI) level a Assembly Working Committee date 30th July, 2014 leh Executive Committee date 5th - 7th August, 2014 chienga um ding ahia, thumpi chiet vaui.  
  
Amun : Presbyterian Assembly House, Shillong
13. Pasian Hattuum kibelap jel! Eima hoina, phatna leh chitna um-sih nanleh Hattuum Zou Synod toh semkhawm dingin Buongmun, Manniengkhuo leh Chingmang khuote Pasian in Ama nna sepkhawmpi dingin hing pie hi. Amauhte ziehin thupina, lalna, leh minthanna tengteng Mangpa'n tang hen!

## Report

### ZOUTANG DISTRICT

#### Khristian Naupang Pawl (KNP) Crusade Report - 2014

Pasian hagau pawlna leh kithuopina tang kawm in apeisa dated 5th-8th June, 2014 sung in Presbyterian Church Muollum ah Khristian Naupang Pawl hundamna chiehpina (Crusade) nei ahia, naupang 50(sawm nga) val bang tel thei uhi. Pasian hagau in Evan. Lhingkhoniang leh Mrs. Donkhanchingte kam a thupot leh Ama Laiisengthou a simkhietie uh jang in naupang atamzaw tham ten Jesu Khrist Mang leh a hundampa ding ua, kisan in hundamna nga uhi. Thupina zousie Mangpa'n tang taken!

Speaker/Councillor:

(1) Evan. Lhingkhoniang leh (2) Mrs Donkhanching

Tuamai a huntouh lou in Hattuum ten ama ban lampi ding uh Laiisengthou tungtawn in kohmu in thumsah va ui.

Report petu:

Sye Goukhenmung

Local Secretary

alungsim ua chiing den kha ding ua, thaukap utna lungtang, tem a mi dawt utna lungtang ahing let chieng un aneikha ding uhi.

Ahitheitan a silhoilou apat venbit zong angai uhi, damdoi kha pie chieng in zong ane ding i ut man in ahum ahi chin hem/sol da vai, aziehpene ane chieng un akam ua akha ahi chi thei thouthou ding ua, "ka nu'n juou agen hi" chin juou gen utna lungtang ape ding hi, tuasang in adamdoi kha ne zieh leh akhat zieh damdoi silboltheina hoitah agen in

ane nuom lou le zong pummat in ne sah lei ahoizaw ding hi.

Atawpna ah, Pasian theikawm in tate enkolvai, naupang te'n laivu-onna ah za lah a za mu hahsa asa bang un, numei hoi hina ding leh tate etkolna ah za lah a za ma mu ahamsa mama hi. Tamteng ithei a, ibawl leh lawching teitei ding ichi sih a, tamteng in Numei manpha hina ding leh tate etkol dan siem theina ding a, ahing panpi ding iki nem zaw uhi.



SINGGNAT DISTRICT KNP CAMP 2014



thagui umte ki kiu tan khazel a, apil na uh leh a thei theina uh kiemsah thei hi. Tualeh pheta (bieng) zong huoh toh thagui a kizop ahiman in pheta ibeh chieng thaguite tansah thei hi.

Huoh tungtang igenzouta ua, naupangte huoh soisah lou din iki chiel uhi, tun naungeh ahing pieng chil apat a theitheinate igen ding uhi - mutheina, zahtheina leh chiem-tetheina ahi. Mutheina pen ei singtang mite'n, naungeh ha thum apha chiengin muthei ichi ua, hinanleh adih sih hi. Naungeh in apienchil apat in amuthei a, hinanleh chieng-seng lou (blur) in amu hi, chin suichien miten kum 2009 in amukhie uhi. Tuaziehin naungeh in ha khat ahi in zong anu theipai tinten hi.

Zahtheina ahileh anu gilsung a aumlai apat in aza theita hi. Bible ah zong Mari in Elizabeth asanggamnu kung a hagau siengthou in agaisah thu agen in Elizabeth sung a naungeh um pen adiang hi chin imu uhi (Luk 1:41), naungeh in Mari thugen za ahi chi chiengtah in akilang hi. Tuaziehin, nute agai chieng un hamzat ah apilvang mama uh ngai hi. Zamaw, awsie, awkhau igen leh naungeh gilsung a um in za ding a, ahing pienkhiet chieng ama zong aw

khau ahing zang kha ding hi.

Chiemte theina (memory) ahileh huoh nasep ahia, huoh pen nusung a tahsa bahieng dangte kim masang in ki bukim zouta hi. Naupangte chiemte theina khu kum thum ahitan in hat mama a, i thu gente leh ithuhilte ahoi hi in asie hitaleh adamsung manghil nawnlou uhi. Etsahna di'n Mosi kum nga ahitan anu'n akem chi Bible ah i mu a, tami hunsung in anu'n Hebrew mi ahidan uleh Egypt te gitlou dan ana hil zieh in, ahing let in ama mi leh sa te hng panpi in Faroh inn a khanglien hinanleh, Egypt mi khat ahing that thei hi. Tuaziehin, tamkum thum hunsung a thuhoi leh thumanpha adamsung a achiin den ding ua ideite hil ding ahi.

Naupangte pen akum uh dungzui in asil bawltheina uh, atheitheina uh, autnauh, adu uh leh adang dangte hing ki heng zel hi. Tuaziehin, amauh hing kihendan dungzui a kep siem angai hi. Etsahna di'n naupang kum 2-3 kikaal ahing hi chieng un, vanzat dan athei ta uhi. Tuaziehin van khat pou pou azatna ding leh azat ding dan bangtah a hil angai hi. Tualeh a flim et ua zong pilvang angai a, action movie, kiha, kibal, kihau chite filim a amu ule,

**UPA REVIVAL CAMP  
Zotang Presbytery (ZPCS)**

Ahingtung ding August 21-24, 2014 sung in Zoutang Presbytery in S. Vengnuam Presbyterian Church ah, "Hei um na hiei?" chi thupi a nei in Upa Revival Campi nei akisawm a, Speaker dingin Revd. Hangpi Manlun, Moderator ZPCS ahi ding hi. Upa Revival Camp chi hinanleh khochin a LCC member teng leh Zotang Presbytery huop a Workerte zong ahuom ding hi.

Zoutang Presbytery 3rd Standing Committee phasahna banga Zoutang Presbytery huop sunga khochin in Camp a ding a ngap za sum tuoh khawm ding kichi pen khu akin thei lam a Finance leh Treasurer te kunga na pe ding in zong iki thei sah un ikingen uhi.

Tami Upa Revival Camp alawchin theina ding in koipou in i thumna ua zong lanchiet vai.

Manggam a na Seppi uh,

Upa Paukhankap  
Secretary (Sr)  
Zoutang Presbytery

**Singngat District (ZTP)  
ANNGAWL THUMNA ZOUTA UH**

Apeisa date 14-15 June, 2014 in Singngat District PWF te saina in Mongken Presbyterian Church a tukum a ding in a 3veina Ann ngol thumkhawmna lawchingtah in a zang zou ta uhi. Tami thumkhawmna hun sung in "Mangpa aw ka gam uh hing vetha kia in" chi thupi a zang in - Sye Thanglianlal Leader District, PYF leh Upa Khupsuanpau District Chairman in Pasian thugenna anei uhi. Anngawla thumna in atup pipen ahi leh ..... igam, inam, i hattuum leh innsung a halthana ang tunna dingin chi ahi.

**Note:** Akia thumkhawmna pen Tangpijol a um ding ahi koipou chiel nahi uhi.

Manggam a na Seppi uh,

Nu Niengboi  
Secretary  
Singngat District, PWF

## LAMKA DISTRICT

1. Apeisa dated 27-29 June, 2014 sungin Lamka District PWF-te vaisaina in Lailam Veng Presbyterian Church ah Numei Seminar neiin um hi. Tuanah Nu Niangpi Singson leh Nu Niangzaman-te resource person leh thugen in pang uhi.
2. Lamka District Pate vaisaina in Leadership Seminar, dated 4-6, July, 2014 sungin Tongdam Presbyterian Church ah Seminer lawching tahin kizou hi. Tuanah Rev. Hangpi leh Rev. Awnkhankhup, tualeh L/Upa K. C. Manga amaute resource person in pang ua, Upa Chinthawng thugentu in pang hi.
3. Lailamveng P. Church PYF-te vaisaina toh dated 16-24 July, 2014 sungin Holy Bible simsuohna lawching tahin nei uhi.

- Rev. Hangpi Manlun  
Lamka District, Biel Pastor.

## Singnat Khristian Naupang Pawl (KNP) District KHAWMPI REPORT - 2014

Apeisa Date 23-25 June, 2014 sung in Singnat District KNP Khawmpi 22veina pen khu S. Muvanlai khuo a Pasian mapuina toh lawchingtah a zah zaw ahita hi. Tami khawmpi a unit tuomtuom apat in palai mi 250 bang kikhawm thei zel hi. Tualeh khochin a Sunday School Teachers leh District PYF Leaders te'n zong khawmpi hing mangthei uhi.

Tukum KNP khawmpi pen kum danga bang lou deu in Projector zang in film

etna lazilna gam lah a tracking pei in Pasian thu group wise a kihilna leh gamdai a thumkhawmna hun in akizang hi.

Khawmpi thupi "Jesu toh Khanghawm" (Growing with Jesus

Christ) chi pansan in speaker biel Pastor Rev. Kaimuonlal thugenna anei a, tualeh Pu Daiminthang (Shillong) in Project tungtawn in films "Facing the giants" leh Soul server lahna (show) nei in tomkim

in ibang ma asumang sih ding a, ngaibaang ahing suosah zaw ding hi. Numei manpha hina dingin bol ding atam a, abawn in gensuo zou sih vai, tamteng ban ah, igensa mabangin numei khu pasal panpi ding a siem ahiziehin pasal patat zong aki phamaw hi. Pasal khenkhat in ajite uh bang chi bang a hoi hinanleh apatat thei sih ua, theiga minding kisa laitah a kapkhie abang uhi, tambang apatat lou a numei aum chieng in athanuom nate beisah thei hi. Tuaziehin pasalte'n zong aji te uh Rubi bang ahing hitheina ding un mawpuohna anei uhi, tuapen ahahsa ahi sih a, patatna pie ding ahi mai hi. Numei manpha pen lawching gige hi, tualeh alawching uh chi theitheina thupi pen ahileh atate uh ahi. Sepna lien pipi nei mi khat leh ni imu chieng un, "Anu leh pa hampah sam uh e maw.... " chi thuteng iza ua zong izang gige uhi. Tate pe'n atamzaw nute etkol ahiman in, lawchinna a nga chieng un nute min daw masa gige hi. Tuaziehin, numei manpha hina dingin tate kep dan zong siem angai hi. Tate pen etkol ahi theina dingun ahing pieng ua, nuleh pate kinepna ahing suoh uhi. Tua ahitaleh, tate hoitah a i etkol theina din huoh (brain) tung tang gen masa vai aziehpun huoh hoi neitate pil in lai asiem ua, huoh

hoilou neite maw sim philphel in laizong asiem sih uhi.

Huoh (brain) ahileh dan li in aki khen hi -jaangsip, lujang, bieng leh deh ahi. Tamteng in lunggel theina, ginglawm theina, mutheina, simtheina leh adang dang ahing pie uhi. Tuaziehin mitampi pienken a mittaw a um a, tam pen ahuo ua mutheina silpieh aum lou zieh ahi, tuachimabangin pienken a bilbing, hamtheilou chite zong bil leh kam nei napi azatheilou, hamtheilou in aum uhi. Huoh kichi pen ilu a um ahia, tahsa nasepte zong huoh in a enkai hi. Thusie thupha igente naupangte huoh ah kikhum den thei hi. Huoh sung ah thagui tampi aum a tam thaguite kizoptuona mun khu synapses akichi hi. Tam synapses te pen huoh sung ah tampi a umua, bilhawm bangin akidaw a, thuhoi, thusie igente naupangte huoh ah tam mun ah kikhoh khawm hi. Tualeh tami synapses te zat lou a sawtpi aum leh ama leh ama akilamang zel a, theitheina akiemsah hi. Tuaziehin thu hoi tampi naupangte hil angai a, ihil tam laisie tam synapses te zat a um ahi. Tualeh, thei ding apoimaw mama khat ahileh, i lungthah chia ibawl mun mama uh, tate lutang kiuah sah ahia, tambang a naupangte lu ikuh sah chiengin a huoh sung ua

‘Numei’ kichi pen Bible in panpitu dinga siem ahi, achi hi. (Gen. 2:18). Panpitu ichi chiengin aneu zaw bang nanleh, panpi a umpen sangin athupizaw ahi chi lei igen khiel sih dinghi. Etsahna na di’n, mikhat in midang khat sum apanpi nuom hitaleh, amapa ahausat ngai hi, tuachimabangin, damlou enkol dingte zong adam ngai hi. Neilou pipi ahiei, damlou pipi in koima i umpi thei sih ding hi. Tuachi mabangin, numei pen pasal panpi ding ahiman in pasal sang in thuohhatna, chitahna, kukalna, kingaangiemna leh adangdang hitheina leh boltheina anei tam zaw angai hi. Numei manpha pe’n Rubi suong mantam sang in zong amanpha zaw hi chi’n Proverb 31:10 ah akigiel hi. Tuaziehin amanpha numeite mizie (Characteristics) poimaw isah deuteng igen ding uhi.

**1) Nasep thanuom leh taima** - Numei manpha hina dingin isepa phot ah thanuom na leh taimatna apoimaw hi. Numei thasiete pe’n Bible a Rubi suongbang achi te kibang ngailou ding hi.

**2) Zingthoubai** - Bible ah Ruth tangthu ithei mama ua, a inpinu lungsietmi in ithei hi. Hinanleh ahoina dieh khat ahileh, ama zingth-

oubai in Boaz lou a bu ava khom zel hi, thoubai lou hileh tunia i thei bang un ithei kha sih ding uhi. Tualeh Mari Magdalene zong Jesu shinua in aluong sathau nu di’n jingkal matahin akuon khie a, Jesu thawkia nua a akimupi masa pen leh Jesu hamuonna tang masa pen asuo hi. Tuaziehin zing thoubai pe’n damtheina guo hilou in Bible deidan zong ahi hi.

**3) Niten-puonsil kilawm leh hunt-awh** - Tulai igam ah kisuom thu athang mama a, suomtu pa mawpaihna sangtah pie in gawt in aum zel uhi. Tambang numei tung a gitlouna bawl pasalte thalup ding ahisihleh damsung suongkul taang di’n ahoi mama uhi. Hinanleh, khenkhat pe’n numeite kicon siemlou zie zong hithei hi. Pasalte mit lathei leh tahsa utna kuongsah thei zen a kijem numei tampi aum hi. Tambang a kichei numei pe’n manpha ahi ngai sih ding hi, tuaziehin ahun leh amundungzui a kicon dan siem angai hi.

**4) Kamsiem** - Nidanglai ipu leh Pa te’n “kamsiem in siellei asang” ana chi zel uhi, tam pen adih mama hi. Mi lungthah laitah a aw nem deu a iva houpi leh alung uh duoi zou mama hi. Eite pen i aw uh akhau seng zieh in mite’n lungsim hoi pipi zong agilou din ahing ngaisut zel uhi. Kamsiem leh aw nem zat

thugenna toh hun azang hi.

#### **Vaiguon kizah dan tangpite**

Date 23 June, 2014 (Monday)  
Tunkim zan in Biel Pastor in tomkim vaidawn thugenna hun azah zou in Pu Daiminhang in film etsahna leh thugenna tomkim nei in nitah masa pen khu manzaw ahita hi.

Date 24 June, 2014 (Tuesday) First Day 07:00am -09:00am Zingkal hun pen Pu Daiminhang puitu a pang in mimal kilatsiengna leh group a kikhenna hun in akizang hi. Group 8 a khen ahia, Pasal leh Numei group 4 tuoh a khen ahi uhi. Pasal group - Joseph, David, Mosi leh Samuel tualeh Numei group - Ruth, Esther, Mary leh Dorcas

10:00am - 12:00pm: Sun hun in gamlah a Tracking akipei a, gammang lah a hun ava kizang a agroup, group in mun tuomtuom akikhen in amau groupte chiet topic a zang in a teachers te un thuhilna, lazilna leh thumkhawmna in hun azahpi chiet uhi.

01:00pm - 04:00pm Sunnua in gamlah apat in hung kile in biehin sung a akilut kia a gamlah a agroup ua azil khiete uh lahna leh group discussion na in akizang hi. Akiphat tuompi mama hi.

05:30pm-08:00pm: Nitah hun pen Pu Daiminhang in la in Projector a film etna thugenna in hun azang hi. Naupangte alunglut thei ua a kipah mama uhi.

Date 25 June, 2014 (Wednesday): Second Day -60:30am-08:00am Zingmawng hun pen Biel Pastor in thugenna hun in zang a, mimal kilatsiengna in akizang hi.

10:00am - 12:00pm: Sunhun bieh kikhopna in aki zang a, Rev. Kaimuonlal Bieltu Pastor in khawmpi thupi “Jesu toh khangkhawm” chi thupi a zang in unit tuomtuom apat in naupang ten Pasian phatna la asa uhi.

Sunnua -1:00pm - 02:00pm hunsung pen naupang khawmpi mang a hing peikhawmte, Games & Sports kimawlana chi tuomtuom akinei pi hi.

02:00pm - 04:00pm hunsung pen fellowship ki neipi a, tami fellowship na ah item tuomtuom akineipi hi. Naupangte pen kilawp in thanuom thei mama uhi.

Nitah 05:30pm-07:30pm hun sung pen mipi bieh kikhopna in akizang a, unit tuomtuom apat in Pasian phatna la akizom in sagi (7) ngaikhiet ahi zou in Rev. Kaimuonlal Biel Pastor

in mumbati tan sahna (candle light) anei a, vah poimaw dan, khovel vah hiding a hat ihidan, Jesu toh khangkhawm naupangte pen vah gige ding ahidan tomkim a agen zou in Chorus song laa tomkhat zilsahna anei hi. Thugenna zaw ahi in Sye Thanglianlal District, PYF Leader in kipahtu genna tomkim a nei zou in, Upa Khupkhenthang Local Chairman in guoljawlna toh khawmpi khahna anei a hun zaw

ahita hi.

Mangpa'n thupina tangta hen.

**Note:** Khawmpi hun sungin Mithai (Sweets) bawm 10 leh theitui bottle 30 akihawm bei sam hi.

Manggam a na Seppi uh,

Mr. Chinjungthang

Secretary

Singngat District, PYF

## HAITHA

### Mathew 6:19-21

**L**ei a nget leh sam eeh in aneh sietna ah leh gutaten aphevang ua, a guh theina uah gou kikhoh sih un. Hinanleh van ah, nget leh sam eeh in a neh siet louna leh gutaten a phevang ua, a guh louna uah gou kikhoh zaw un. Aziehpun na gou umna mun ah na lungtang u'zong a um ding hi.

#### 1. Thumapui?

= Mihingte Pasian in Eden huon a, ahing koi lai in Pasian in kammal khat toh ahing nuasie a, tua khu "Eden huon hou ding leh enkol ding" chi ahia, tualeh Pasian in A siemsa zousie enkol a kem ding in ahing ngansie hi. Tam hun apat in mihingte khu, Haichite, Ganhingte leh Pasian in A siemsa zousiete tung ah etkolna nasem ding in Pasian in mawpuohna ahing

pie a, tua a guolzawlinate khu hing pung zel ding leh suonle-hah (nou) nei zel ding in guolzawlina ana pie hi. Tualeh, Pasian in thupieh ahing pieh na ah ei a ding a, ahing piehte toh Ama pahtawi a, Ahing guolzawlinate theizing a, Ama kung ah sillat a tawi ding in ahing thupieh hi. Single-lou leh haichi mai hilou in a guolzawlina thupien a i ngaituo uh "Tate" tanpha Pasian in a huomsah hi.

khu Synod kip leh khangtoute lah a khat ahi tading hi.

Tuabang a Biel Pastor MIKHUOL HILOU INNTEHPA ahina bukimtah a ijah thei chiengin igam a Pasian nasepna in tusang in masawn ding hi. Bieltu Pastor a biel ah puipa (intehpa) ahina suhdet leh pomkipna akimu thei nang in Bielsunga Hattuumte in LCC Meeting achiel a, ateltheina a Chair luosah ding ahi. Tuabang khop a biel a mopuohna Hattuum in aliengkou a angah thei hunchieng in Biel Pastor abiel a umlou chite, Biel Pastor theipilou a bollou ding ichite abeita ding a, Biel Pastorte injong amopuohna jou dingin abiel ah chingkamtah in atouden tading hi.

Thamlou in LCC meeting nate a ateltheilou chieng a Biel Pastor hina Letter Head a geltho a teltheilouna ding ajieh, ajal dihtah LCC Committee a atheisah ding chijawh ding in ahoi hi.

Tuajiehin, Synod a Pasian gamna isepna in kiptah leh duoilou kei a Khantanhoi puonjahna inei tawntung theina dingin ikibulphuna DAN LEH DUNTE chingkiptah a juinding aloutheilou ahi hi. Umding bang umtheilou, bawlding banga bawl theilouna pen KHANMO BAWH ahi. Khangtou leh pichinlam a manaw thei nangin juindingte jui in bawldingte bawl va-ui. Tuachin i khangtou un ipiching thei ding uhi.

## AMANPHA

## NUMEI LEH NAUPANG KEPDAN

- Nh. Mandeiniang  
Zomi Colony

**A**masapen in tami article khu Nu Chingngaihlan, M.R.E. W/O Rev. Kampiang in apeisa tarik 19-22 tan a Central Church a Seminar aneina thugente apat kahing giel ahi chi simtute thei dingin ka hing tahlang ahi. Thu manpha tam tah gen ahiman in poimaw kasah deuteng i Synod pumpi a ithei ua i phattuompi chiet dinguh kinem in ka hing gel khie ahi.

# Mikhuolhiloulntehpa

- Upa Suankhanmang

**M**ikhuol ichi chiengin gentam ngailou in mikhuol ahina itheisa in ngaisut talei, tuamabangin intehpa jong ahinaleh adinmunte gentam ngailou in itheisa uh ahi. Tuaziehin idan leh dun in “Bielu Pastor khu abiel sung a Hattuumte ah puipa ahi” achi hi. Innsung khat a inntehpa khu a innsung ah puipa (intehpa) ahi china banga tuotthei pai ahi. Innsung khat a intehpa (puipa) khu innsung mite a dinga bangkim a mawpotu ahia, a innsung mite in ama khu amusit in asimlaw thei sih hi.

Tuamabangin Bieltu Pastor khu abielsung ah puipa (intehpa) ahia abiel mite musit thei mai ahi sih a, musit thei dinga umlou khu Pastor pa puipa (intehpa) mopuohna ahi (EITEN IMUSIT CHINA HILOU).

Puipa (intehpa) ahinate tam anuoi a banga muthei ahi. Pastor, Upa ichite asiemtu Hattuum ahi. Hattuum apan a hing pieng khie Pastor leh Upate khu Hattuumte khawmpi lien in Pasian in ajah leh amau dinga Pasian Hagau siengthou a khawmpi in Siempu dinga thau anilte ahi uhi. Tuabang in Pasian in leitung vaipaw ding Lengdingte jong thau ananil hi. Tuabang thaunilte musit thei guol ahiloudan DAVID Khankhuo ah imuthei uhi.

PASIAN in ajahna leh aman nate lah a midangkhat ahiei, Pastor dangkhat injong atham a jong atham theilou, bawljong abol theilou khu Bieltu Pastor khat in abielsung ah Mangpa thupieh Thuhuntha suhbukimna Baptisma leh Sacrament in a innsung mite (Biel a Hattuumte) achom in avahpiching hi. Tuapen innsung khat a pa dinmun (inntehpa) na asepa ahi.

Tuabang a Bieltu Pastor in Siempu hina a amawpuohna banga ama Bieltu Pastor khu abiel ah puipa tahtah ahivot hi chi imuthei uhi. Tam dan leh Dun in aphut leh angetna banga Biel khat a Hattuumte in Biel Pastor ahina dihtah imu a ithei siem uleh ZPCS

Genesis 2:15; Genesis 1:28-30; Leviticus 23:10; Exodus 22:29

## 2. Bangzieh a Pasian kung a laan ding ihi uoi?

a) Mangpa'n ga masa leh sillat zousie ah ahoipen ahing phuut a, ei deiloute zong a dei tuomsih hi. Mangpa apat sil hoi i kinepleh eiten zong Mangpa ah ahoipente i pieh ding uh ahi. Pasian guolzawlina itante tung a lungdam thu genna leh a guolzawlinate i innsung a, a um den theina ding in. Pasian guolzawlina i phawh thana uh ahi. (Ezekiel 44:30; Malachi 3:11)

b) Thupieh ahizieh in Pasian kung ah i laan ding uh ahi. Tam khu ngetna leh chielna zong ahisih a, thupieh, bawllou theilou sil ahi hi. (Leviticus 23:10; Exodus 22:29; Nehemiah 10:35; Deuteronomy 26:2)

c) Mangpa pahtawina in i laan ding uhi (Thupilte 23:9). Mangpa kung a i lungdam chieng ua, Ama i pahtawi uh khu thu mai hilou in sep-le-bawl a, silpieh toh i pahtawi ding uh ahi. Khut guoh a na hing pei ding uh ahisih chi ahi.

(Thupilte 3:9-109; Romans 11:16)

e) Van ah gou kikhoh ihi uhi. Mangpa a ding a silpieh ipieh pouma khu leitung apat van Bank a gou khol ihi uhi. (Mathew 6:19-21; Hebrew 10:34)

## 3. Bangte pieh ding ahiei?

a) Gamasapente/Amasapente pieh ding ahi. Eima neh masang a pieh ding ahi. Neile-lam masapente (Law, sum mu, sil dangdang) Gamlah a imu thei leh innsung a, Neile-tah i bawl masahpente zong i laan zel ding uhi. Tualeh, Khangluten zong “Ka Pasien, ka lungzai” chiin a neh masang un ana pe masa zel uhi. Tuama bang in eiten zong anneh tuidawn ah Pasian kung ah i thum zel uhi.

\* Lou houlouten zong bazar a eima sum musate toh i leite khu i hawkhiet gasuote toh kibang ahi. (Nehemiah 10:35; Exodus 22:29)

b) Ahoipente i pieh ding uh ahi (Ezekiel 44:30; Genesis 4:3-4).

c) Ta masapente. Ta masapen pieh ding ahia, tualeh Tat kia ding ahi. (Exodus 22:29; Leviticus 27:3-8)

#### 4. Bangchi pieh ding e?

- a) Phaltah leh piehlou theilou bang a ngai leh it kawmkawm a pelou in kiphaltah a pieh ding ahi. Tualeh, lungsim siengthoutah in, nei zieh-hausat zieh hilou in kipahna toh pieh ding ahi. Meithainu'n anei sunsun sumtang a pieh khu Jesu Khrist in zong a pe tampen hi ana chi hi. (II Corinthians 9:7)
- b) Mangpa i piehsa tung ah thu va nei nawnlou ding ahia, pieh khu eima mawpuohna ahi. I piehna uah kipah a, lungkim ding ahi. (Mathew 6:3-4)

#### 5. Piehlou a khawhna bang ahiei?

- a) Kipahlou china khat ahia, tantawh a lungkim theilouna khat ahi. Pasian guolzawlina kipahpi lou china ahi.
- b) Pasian suom ihi mai uhi. (Malachi 3:8)
- c) Thum anglou ihi uhi. Thupieh, Pasian in "Bawl un" achi hinapi a bawllou khu Pasian thumanlouna ahi hi. Laisiengthou in kithoina sang in thumanna ana deizaw hi. (Leeng Saul in thupieh sanglou in kithoi hi). (I Samuel 15:22)
- d) Van ah gou khollou china ihi uhi. Tam leitung ah gou bangzat i khol zong in a thupina toh beimang ding

ahia, hinanleh Pasian i piehte khu tu in kimu theisih nanleh dachieng a, Pasian kung i tun chieng in ahing kilang ding a amang ngai nawnsih ding hi.

- e) Siensuolou china ahi. Mangpa'n azah dingte a siensuo a, tuni chieng in eiten zong vanzah ineite uhi siensuo ding uh ahi. Mangpa Jesu Khrist ngei in zong Nuajuite A nasem ding a, azah kuon in 'Jerusalem ah na ngah un' chiin thu a pie a, tuachiin Pentecost ni in a siensuota hi. Tualeh Jawlnei Isai zong Mangpa'n ana siensuo hi. (Romans 11:16; Acts 1:4; Acts 2:1; Isaiah 6:5-9)

#### THUKHUMSIN:

Jesu khu mishi lah apat kaithaw ahizieh in ama khu ga masapen ahia, tualeh Israelte zong Pasian in ga masa bang in ana ngaituo hi. Tuazieh in inei-ilamte mai hilou in i hagau zong Pasian a ding in ga masa ahia, Pasian kung ah i laan ding uhi. Tualeh mi bawl zieh leh dan ahi zieh ahiei a pieh ding leh lat ding zong ahisih a, i lungtang tawngpen apat deisahna leh kipahna tahtah toh i pieh ding uh ahi. I Pasian khu pasien dangte bang ahisih a, Ama i piehsate nasan zong eite ahing pe kia zel hi. (I Corinthians 15:20; Jeremiah 2:3; I Corinthians 15:23; Romans 8:23; Revelation 14:4)

mai uhi. Tualeh akhen dihlou tah sem val kinuotheite khu a pension zou alaw lah tengteng uh akinuo lesah mai uhi. Tami bang in ei Synod in jong semtu koipou dihlou tah asem val aum a akithei leh nualesah ding chiin akipuosa a, ipilvanglou leh ishinua nangawn a ita, inaute muolphouna leh zalahna ahithehi hi.

Thamlouin pien kum ni-le-thumpi nei thei ahi a, ei lah khat kihingal in. Tuaziehin adihpenma gen ngam khu thudih genna khat ahi hi.

#### 4. Mel-le-kum kituohlou hi.

Bangzata in kinaupang sah nuom mawh lei jong akhentepen mel-le-kum kituohlou thei moh hi. Ahisih leh isang ni sang thumnate adihtat ziehua apension nua a ei izuou gen jie sepsep khah mai ding jong zau huoi in zum huoi mama ding hi. Tahsa eisang a naupang jawte sang a sepna junior leh naupang jaw um mai khu izuaudan uh

suhlatna hoitah ahithehi ding hi.

#### 5). Nehguhna topkhoh ahi lam ngaitua va-ui aw.

Etsahna ding in kum khat sung in semtute hasawm leh ni law pawlpin angpia a, koi e khatin ha sawm leh thumna law nalamaita leh a kithei leh ki-terminate mai ding ahi. Ahileh na tahsa kum sawm 60-na chin nua kum 5 bang zuau-le-naal a na kinaupang sah jie a Pasian sumpi i nehmai leh nuom tuolin i leng sih ding a, i-tu-ita khang ah i nehguhna pap hing pohkeh thei ding hi. Tambang a umte pen mihing sol himailouin Pasian sol ahi ua, koiman Pasian kisol jou lou ding hi. Sum deitah khu suol chinteng bulpia lutna chi khat ahi chi thei vai-ui aw. Tuaziehin, Pasian kung ah damtaha i kum chin tan semthei ding in thum in dihtatna toh nnasem lei Pasian guolzawlina lam tuomtuom ah jong itang mawsih ding hi. Mangpa'n simtute hingmapui jingta hen.

semtute pension hun ding in apien kum sawm guh or asepen hun kum sawmthum aching masapenpen ding in ibawl uhi. Ahin, tuami pen kideinonlouin ama tahsa pien kum sawm guh (60) a pension piehtah ding, tualeh sep hunpen sim nonlou ding chin ipuosahta uhi. Tuabang ahilaiin akhente thudih kim khat paulapin, kapien kum dihtah kathei sih chiin adihloui bang apie a tamthei bang sep sawm um hilei akilawm mai hi. Adihtahin inu/ipaten na record sih leuh jong ikikhan guolpите e, ahisih leh koi e khat shi kum leh nidang lai ngel in inu/ipaten tuami mun ilou hawkum apieng na hi chiin jong anathei thei thou uhi. Tuaziehin itup tahtah a ikanpei pou leh ipien ni-le-ha lienpen thei sih lei jong ikiguolpi khat pien kum toh et-in ipien kum pen suikhiehthei mama ahi. Tuaziehin in pien kum theiloute pen Melkizadek bang a pienna menna neilou china ahi ding uhi.

**2). Pien kum ni kinei hi.** I gensa bang in pawlpin pension pei kum dia ang pawmsahpen inu gilsung apat leitung a ikiehni asim in kumsawm guh ichin ni ahita hi. Ahin akhente pen in Matric (Pawl sawm) ipass kum toh kituoh lou tampi aum ding a, akhente

ngel khu apien kum dihtah leh a pawlsawm pass kum pen kum 5 or 10 bang in kikhiethei hi. Tuaziehin ipension na ding in ipien kum dihtahma izah ding uh ahi hi. Ahin Government record ading in vang i Class X (Matriculate) pass kum pen uh gel lei jong khohlou maithei hi. Ajieh ahileh i pawlsawm pass napen a record khat ahi jieh in ahi.

Tualeh Unau Mizoram Synod Senior Executive secretary lui Rev. Vanlalzuata in apien kum dihtah a baptisma tanna record anua mukia jiehin Sr. Executive Secretary a term beina ding kumni maimai in asaplaiin amale-ama kipuonkhia aterm sem zawmlouin a pensionta mai hi. Min tambang in dihtatna gum ngam in ahina uh jong topsan ngam uhi. Etton tah mama hi.

**3). Pension ding kumpen Mission gentahlou government in jong abuoipi mama uhi.** India gam ngei ah jong India Army staff khat apien kum dihlou jiehin India gam buppi akiling zou va-ia hi. Pien kum dihlou khu India gam ah jong mite buoina khat ahi. Atahtahin Mizoram lah ngel ah tuabang a dihlou dinga agintatte uh khu Hattuum record bu aen

## PIENNA TUNNU ITNA LIAN (GREAT AFFECTION OF A MOTHER)

*Prov. 23:22-25*

*- Upa Khupsuankham  
Cont. Editor.*

**A**MERICA a Philadelphia gam in Anna Jarves in Kum 1894 in Nute Ni ama phuondoh a, alawmpa (darlip) toh kinung theilou in pasal neilou in a um a, kum 41 a chin in anun shisan in asanggam mittaw khat toh atengkhawm uhi. Nu poimaw dante ang thei bep in 1908 May 10 in Nute ni chiin ang phuondoh hi. Kum 1914 apat in USA gam sunga zah dingin USA President Woodrow wilson in Parliament ah pawlut a, kum chin in May Pasian nikal nina khu akinit lengta hi.

Ham kamteng ah ineite lah ah, Nu chi kamteng khu khuoiu bangin ahum a, alawkhieh dan zong anop a, Pa chisang in zong alaw leh ahatdan zong anuom zaw hi. Tualeh pa leh nu chilou in, Nu leh Pa chia gang leh ni chilou in ni leh gang ichi ham teng ahi. Numei lam akilaw masa a, ahatdan leh alawdan zong anopzaw hi.

Nu chi kamteng ilaw a, anop mai hilou in, ilungsim sung ah nopna lungkimna leh itna lungsim gilot aloukhawm kha abang deu se hi. Tuaziehin Nu kamteng pen hum vangut ahi. Nuom in patau dipkuotna khat a um chiengin zong Pa kichi lou in Nu (kadeinu) ana kichi a, Nute ngel in zong ang vuoh ma chikawm in ikap veve uhi. Tua ahiman in Nu chi

kamteng leh inepu ikampen kikhen theilou akizop ahi bangin alamdang mama hi. I Nute hing itna leh ang ngaina uh athuh in athuh a, ilungsim ah isi-isan a beh mabang in ilungsim ah mangmaw in a thaam zing hi.

Nuten tate a itna bangzatah a lien ahiei? chi itehpi thei bangma umlou hi. Nupi khat in ta (sawm) nei in a it mama ziehin avah zou a, tuni chien- gin ta 10 (sawm) ten anu leh apa uh vah zou nawnlou uhi. Na neulai in na nu toh hun tomnoukhat zong na kikhen thei sih a, ahivang in nang golbep chiengin na kikhen uhi. Na nu leh napate na itna lien semsem nasah leh neu semsem hi. Na neulai in nanute ngai in nachinatlaw lienga, tu in nu leh pa ngai in na kap ngai nawn sih a, na chinatlaw nawn sih

hi. Nute Pate in na zun leh na eh kum tampi ang na siesah un ang na kem ua, taten tawlkhat zong isiesah zou sih ding ua, chimtah huoi sa in ihamsiet nalai ding uhi. Kem zou in don zou tama lei zong kem zou kisa in ikisiel nalai uhi. Ka nu leh ka pate kem in ka vah zou chiten in zong Nu leh Pate lungdamna bang in kikem zou nailou in ashi nuachieng un kisiana lienpi um nalai hi.

Pasal khat azin ashisan nua in zi dang dei in atate meigongpi zoulou suoh hi. Nupi meigong atam zaw in atate taga ding khuol in atate meigongpi suoh ngam ua, “taga veve Pa toh taga pen taga ahia, anu toh taga pen taga ahisih” chi kam-teng kinei hi. I lungsim a thamzing khat kia ahileh bang ahiei ichileh lai ang nasim sah ziehin imuthei, igenthei, isimthei a, mit miel ding a mitvah ang nasuo ua lawching ua, simсах тасih leh bang ka suoh diei chi khu ilungsim ah atham zing hi. Tuabanga nuten hing itna pi nu itna phawh a lungdam thu get a athuoh zou ding mi a vaang mama hi. Nu leh Pa kem nuom leh zen nuom mi tam khollou hi. I hing let a nasep thupi tah ing sep chiengin inu leh ipate izumpi thei a inopsah chiengun inu leh ipate isimmaw nalai uhi. Hei sunga pieng ihi uoi? I hausatna inopsatna leh isiemna leh ipilna khu

heisunga hing kipan ahiei? Bangma chih a thuh zou lou ding Nu itna iphoh thei sih leh i Pasian gintatna zong iki etphat ngai ding hi. A shi nuachieng un thuh kia ut nanleizong kinua thuh thei nawnlou ding hi. A nat asat chiengun thum thum in maumau nanlei zong kizekai tahi. Nu nei nawnlou ten nu itna phawh a ngai a, amunuom tampi um hi. Anu mel nasan mulou leh atheilou mi tampite lah ah nangin nu nei nalai nahiman in nahampha hi.

Na nu shi nua a taga a hinkhuo na man chiengin miten bangma a ang mu nawnlou ding khu na thei ei? Na nu vang na Pa vang toh nahin laiin mivangpha nahi lam na kithei ei?

- Na nu adam nalai ei?
- Na nu nalungkhamsah ngai ei?
- Na ji ziehin na nu na hasie sah ngai ei?
- Na tate ziehin na nu na hasie sah ei?
- Na nu naphunsan san ngai ei?
- Na Nute toh umkhawm ding na ut sih kha ei?
- Na lawm leh guolte lah ah na nu na zumpi kha ei?
- Na Nu itna khu bang in na thuh diei?
- Pi teh chin nih hoilou puon hoilou ngen naguon ei?
- Anneh chiengin na nu na phun sah ei?

- A chinat chieng in piteh chin na-kem thasie ei?
- Mite lah ah Nu aw nachi ding na zumpi kha ei?
- Na Nu shi chienga na daa ding dan na lunggel kha ei?
- Bang toh naki henem sawm a?
- Nute/Pitee khu naupang bang ahilam na thei ei?

Tuaziehin, taten nute kung ah bawl ding tampi inei uhi. Adiehin nute paten tate tunga ang ki lam-etna uh tam anuoi a bang ahi.

- Ann tui nounou pieh ding kinem

lou uhi.

- Khutsip zong kilamen masa lou uhi.
- Amau hing lam-et alienpen khu amau hasesah lou a lungdamsah tawntung a, amau mama ihoina toh ithuh kia ding leh ei mama atate thuman thutah a hinkhuo toh ithuh kia ding khu a lamet uh ahi.

“Ka tate thutah ah a um uh chi kazah sanga kipahna lienzaw ka nei sih hi” (II John 1:4).

## MANG GAM NNASEMTE LEH PENSION HUN A DIHTATNA

*-Rev. Hangpi Manlun*

**0). Thumapui:** Awle tutung in dihtatna thu gen ding tamtah umlah ah sepna/pension hun a dihtatna thu igen ding uhi. Khawvel khantou toh kituohin government lam hileh mission a nnasemtute adiehin aupa lamte ading in sepna kipat khawl dam hun (pension) hun ang hi ta hi. Khangte hing kikhelin huntha ah ilutta uhi. A diehin ei mission nnasemte jong i pawlpitee jong Pasian mapuina toh kum sawm guh phial bang ihing hita hi. Tuachin a nnasem masate ading in pension hun ahing hipanpanta a tuban kum 10-zou chieng ngelin akim khat phiel ki-pensionta ding hi. Tuaziehin ipien kum thu a dihtatna poimawna thu igen ding uhi.

**1). Paulam chinglou kipaulapte ahileh, ka pien kum dihtah kathei sih chi ahi.**

Eimai hilouin pien kum thu khu tulaitah hattuum tampite

buoipipen ahita hi. Aziehin ahileh semtu khen khatte khun apien kum dihtah gel lou a dihloupi gel a sepsawm pawl kium thei hi. Ei Zou Synod in ikipat chil lai in,

A Monthly Christian Magazine

An Organ of the Zou Presbyterian Church Synod



# Khristian Tangkou

Vol. 50 || No. 8

Suopat kum: 1964

AUGUST, 2014

HAITHA : AUGUST 03, 2014



Editor: REV. TUALZACHIN

*Undelivered*  
Please return to:

*The Editor*

Christian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com/zousynod05@gmail.com

To

---

---

---

|  |  |  |  |  |  |
|--|--|--|--|--|--|
|  |  |  |  |  |  |
|--|--|--|--|--|--|

Edited and Published by the Editor on behalf of the Zou Presbyterian Church Synod

# Khristian Tangkou

Vol. No. 50 || Issue No. 7 || July, 2014

## Editorial Board

Editor : Rev. Tualzachin - 9862829526  
 Joint Editor : Rev. Stephen Chinzathang  
 - 9863042789  
 ct\_stephen@yahoo.com  
 Cir. Manager : Upa Jamsianmung - 9862086615  
 sianmung@rediffmail.com  
 Bus. Manager : Kamgenpau - 8974612937  
 Sye T. Ginzahau - 8974438842  
 Cont. Editors : Upa S.K. Khama - 9856406454  
 Rev. Awnkhankhup - 9862828921  
 Rev. M.G. Nehlien - 09535042257  
 Rev. Kaimuanlal - 9862923960

## ZOU SYNOD ULIENTE

- Moderator:  
Rev. Hangpi Manlun
- Moderator Elect:  
Rev. P. C. Manga
- Secretary Sr.:  
Upa Khupsuankham
- Secretary Jr.:  
Upa Ngulchinkham
- Treasurer:  
Upa T. Lamkthothawng
- Statistician:  
Upa Suankhanmang
- Exe. Secretaries:  
Rev. Tualzachin  
Rev. Stephen Chinzathang

**Copies - 1000**

### AMAN

|                   |     |        |
|-------------------|-----|--------|
| Kumkhat ah        | - ₹ | 50/-   |
| Post ah           | - ₹ | 100/-  |
| Copy khat ah      | - ₹ | 6.50/- |
| Life Member Fee   | - ₹ | 1000/- |
| Patron Member Fee | - ₹ | 2000/- |
| Memorial gift     | - ₹ | 2000/- |

## A sung thu

- Editorial..... 01
- Thu tuomtuom ..... 02
- Reports ..... 04
- Haitha ..... 08
- Pienna Tuunnu itna ..... 11
- Manggam nasemte...dihtatna ..... 13
- Mikhuol hilou inntehpa ..... 16
- Amanpha Numei & Naupang.....17
- Suunna..... 22
- ZPWF Column ..... 24

**Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.**

**Thusuo dingte Editor kung a pieh ding ahi.**

## PATRON MEMBER-TE

|                          |                             |                             |                             |
|--------------------------|-----------------------------|-----------------------------|-----------------------------|
| 1. Upa Gouzamang         | 2. Pu Hav. Khamchinkhup     | 3. Pu Khamzalam             | 4. Pu Chinzasuan            |
| 5. Upa Liansuanpau       | 6. Pu Khamchinthang         | 7. Pu S.Dalthang            | 8. Upa Kapkhanthang         |
| 9. Upa Langginmang       | 10. Upa S. Nangkhanlal      | 11. Pu S. Lamkthothang      | 12. Upa Dr. M. Lachinkhai   |
| 13. Upa Khamchinjam      | 14. (L) Upa D.K.Manlun      | 15. Upa Suankhanmang        | 16. (L) Upa Khupgou         |
| 17. Upa Chinkham         | 18. Upa Ngulchinkham        | 19. Rev. Retd. V.Vungzalian | 20. Rev. Retd. Kamkhosoi    |
| 21. Rev. Tualzachin      | 22. Rev.(Rtd.) H. Nengzatun | 23. Rev. Awnkhankhup        | 24. Rev. Hangpi Manlun      |
| 25. Pu Tuanzapau         | 26. (L) Rev. Ginchinjam     | 27. (L) Rev. Khamzasuan     | 28. Upa T. Lamkthothawng    |
| 29. Pu Khaichinmang      | 30. Rev. Chinzathang        | 31. Pu Khupkhanmang         | 32. Pu Khaidohlian          |
| 33. Hav. Khamzahang      | 34. Pi Vungzanuam           | 35. Pu T. Gouzadou          | 36. Pu Liensuonkap          |
| 37. Pi Zelkchoiini       | 38. Pi Hatkhanvung          | 39. (L) Pi Ngaihoiching     | 40. Pi Mankhannieng         |
| 41. Pu Goukhanmang       | 42. Pi Chingzalam           | 43. Pu S. Thianzakhai       | 44. Pi Kamkhanching         |
| 45. Pu Haukhanpau        | 46. Pu Tuallianmang         | 47. (L) Pu Dongkap          | 48. (L) Pi Chingkhanmang    |
| 49. Pi Donkhonian        | 50. Upa Henzakhup           | 51. (L) Pu Saichinpau       | 52. Pu Goumang              |
| 53. (L) Upa Khamkhanhang | 54. Shie Laangkhanlal       | 55. Pu Khamkhanlun          | 56. Upa L. Tualkhanpau      |
| 57. Upa Jamsianmung      | 58. Upa Ginzadong           | 59. Pu Kaizathang           | 60. Pi Goizanuom            |
| 61. Pi Thangneivah       | 62. Pu Khamzathang          | 63. Pi Donchin              | 64. Upa Liankhanmang        |
| 65. Pu Hauchinlun        | 66. Pu T. S. Lal            | 67. Pi Goichiini            | 68. Pu T. Khupchinthang     |
| 69. Upa T. Kaizalam      | 70. Pu Paul Henkholal       | 71. (L) Pu Soikham          | 72. Rev. P.C. Manga         |
| 73. Rev. Khamchinkhai    | 74. Rev. Jamlianpau         | 75. Rev. Chinzapau          | 76. Rev. Retd. Kamkhozam    |
| 77. (L) Upa Chinpu       | 78. Pu Zamkhanthang         | 79. Pu Chinglen             | 80. Miss Chinhaunieng       |
| 81. Upa P. K. Soia       | 82. Pu Goukhai              | 83. Pi Niangkhanmang        | 84. Evan. Retd. G.L. Joshya |
| 85. Pi S. Chingkhanmang  | 86. Pu Vumchinkhup          | 87. Upa Khaihenthang        | 88. Upa T. C. Pau           |
| 89. Upa Nengchinkap      | 90. (L) Upa Jamkhongam      | 91. Upa HT Manga            | 92. Mrs. Vahkhohling        |
| 93. Pu Hauliankap        | 94. Pi Chinnu               | 95. Pu T. Kuppa             | 96. (L)Upa T. Gougin        |
| 97. Pu Ginsuanhau        | 98. Pu L. Langminthang      | 99. Rev. David K.Samte      | 100. Upa T.S.K. Samte       |
| 101. Upa S.K. Khama      | 102. Pu Jamkhopao           | 103. Pu Thathang Taithul    | 104. Pu Kamkhankap          |
| 105. Bhim Prasad         | 106. Rev. M. Kapsuanthang   | 107. Nu Chingneikim         | 108. Rev. Khupkhansuan      |
| 109. Pi Mannuamching     | 110. Rev. Kaimuanlal        | 111. Upa Nengkhanlian       | 112. Nh. Deborah Zou        |
| 113. Pu Kamgenpau        | 114. Rev. Mangsuanthang     | 115. Pu Lamchinhou          | 116. Upa Pauchinlel         |
| 117. Kimneihoi           | 118. Nh. Niangsuannuam      | 119. Nu Ngaikhanvung        |                             |

## LIFE MEMBER-TE

|                            |                          |                       |
|----------------------------|--------------------------|-----------------------|
| 01. (L) Upa T. Khupkhenpau | 02. (L) Pu M. Ginzahau   | 03. Pu Selzapau       |
| 04. Pu L.C. Pautungnung    | 05. (L) Pi Khamkhannieng | 06. Pi Ngainuom       |
| 07. Pu Chinsuanthang       | 08. Pu Shanti Kumar      | 09. Pu Kamkhohau      |
| 10. (L) Pu Khamkhohau      | 11. Upa Khamzathang      | 12. Upa Chinkhanthang |
| 13. Pu Tongzathang         | 14. Pi Chiinneilam       | 15. Upa Kulthang      |